

# DIE SKIPPERTJIE

Nuusbrief van Laerskool Park, Mosselbaai

10/2025

20 Maart 2025



## IN HIERDIE UITGAWE

UIT DIE KAJUIT

BELANGRIKE INLIGTING EN  
UITSLAE

1. Skoolvakansie
2. Langnaweek
3. Skoolaansoeke vir 2026
4. Rapporte en oueraand
5. Atletiek
6. Pretstap en lootjelyste
7. D6 Connect
8. Personeelverjaardae
9. Skooltye
10. Skoolfonds
11. Adverteer in die Skippertjie

*“When you make a mistake, there are only three things you should ever do about it: admit it, learn from it, and don't repeat it.”*

## Afrikaanse woord van die week

### **Jaloersbuie:**

*Reënbuie wat net op sekere dele in 'n area val.*

## 2025 SKOOLKWARTALE

**1ste:** 15 Januarie – 28 Maart

**2de:** 8 April – 27 Junie

**3de:** 22 Julie – 3 Oktober

**4de:** 13 Oktober – 10 Desember

## UIT DIE KAJUIT

**Verantwoordelikheid (3).** Ons sluit af met ons tweede waarde nl. verantwoordelikheid. Ons het gesels daarvoor dat 'n mens verantwoordelik moet optree deur elke dag dit te doen wat jy veronderstel is om te doen. Dit is ook nie net die groot dinge of dit wat ander mense kan sien wat saak maak nie, maar elke klein verantwoordelikheid moet ons so goed moontlik afhandel. Soms gebeur dit egter dat ons as mense nie ons verantwoordelikhede nakom nie en fouteer. Dit is dan wanneer jy verantwoordelikheid vir jou optrede en gedrag moet neem. Eerstens moet jy erken dat jy 'n fout gemaak het deur verkeerd op te tree of dat jy iemand teleurgestel het. In die tweede plek moet ons bereid wees om te leer uit ons verkeerde optrede en derdens om anders op te tree in die toekoms deur intensioneel te probeer om nie weer dieselfde fout te begaan nie. Eers wanneer ons bereid is om anders op te tree, vind daar groei in ons lewens plaas en is ons besig om die waarde van verantwoordelikheid uit te leef. Ons moet elke dag ingestel wees om 'n beter persoon te wees as wat ons voorheen was. Almal van ons, jonk en oud, maak foute, maar ons moet bereid wees om om verskoning te vra en die saak reg te stel. Verantwoordelikheid is nie net wat ons doen nie, maar ook hoe ons dit doen. Onthou: wat ook al jy besluit om te doen, wees seker jy is trots daarop. Lekker langnaweek vir almal!

*Dr. André Smith*

## BELANGRIKE INLIGTING EN UITSLAE

### 1. Skoolvakansie

Neem asb. kennis dat die skool volgende Vrydag, 28 Maart om 10:30 vir alle leerders vir die skoolvakansie sluit. Dit is belangrik dat leerders tot dan elke dag getrou skool sal bywoon, aangesien daar steeds met akademiese werk aangegaan word. Die skool open na die vakansie op Dinsdag, 8 April.

### 2. Langnaweek

Let asb. daarop dat die skool vandag **Donderdag, 20 Maart soos op 'n Vrydag uitkom, 13:00 vir graad 1-3 en 13:15 vir graad 4-7.** Môre, Vrydag, 21 Maart is dit Menseregtedag wat beteken dat daar geen skool sal wees nie. Die skool gaan op Maandag, 24 Maart normaal voort.

### 3. Skoolaansoeke vir 2026

Let asb. daarop dat die WKOD se aanlyn-skoolaansoekproses reeds op 11 Maart geopen het. Gr R, 1 en 8 aansoeke vir 2026 kan tot en met 15 April gedoen word. Ouers word versoek om so spoedig moontlik met die proses te begin. Leerders wat reeds in Laerskool Park is hoef nie weer aansoek te doen nie. Indien enigeen hulp daarmee benodig kan die skoolkantoor geskakel word (*sien die inligting onderaan*).

## Kontak ons:

Kaapweg 49 Mosselbaai

Posbus 96, Mosselbaai, 6500

Tel: 044 691 1020/1

Epos: navrae@lspark.co.za

www.laerskoolpark.co.za

### VOLGENDE WEEK SE PROGRAM

Ma, 24 Mrt: Algemene kennis eksamen

Wo, 26 Mrt: o/11-o/13 netbalstreeksproewe

Do, 27 Mrt: Entrepreneursdag (Gr 2 & 4)

Rapporte uit

Oueraand 18:00

Vr, 28 Mrt: Skool sluit 10:30

o/12A-netbaltoernooi tot 31

Maart (George-S)

o/13 Rugby- en netbaltoer tot 2

April (Paarl)

#### 4. Rapporte en oueraand

**Die leerders ontvang hul rapporte op Donderdag, 27 Maart. Die eerste kwartaal se oueraand vind ook op dieselfde dag vanaf 17:00 – 18:30 plaas.** U is welkom om

die personeel te kom besoek in verband met u kind se akademiese vordering, indien u dit nodig ag. In sekere gevalle, waar daar groot akademiese uitvalle is, sal ouers versoek word om met die personeel kontak te maak.

#### 5. SA Atletiek

Baie sterkte aan Miguel Prins, Jordan Sydon, Mia Rossouw en Miané Schutte wat hierdie naweek aan die Suid-Afrikaanse Atletiekkampioenskappe te Germiston, Gauteng deelneem.

#### 6. Pretstap en lootjielyste

Die jaarlikse Pretstap, wat verlede Saterdag plaasgevind het, was 'n heerlike dag. Weereens baie dankie aan almal wat betrokke was by die organisasie van die dag en hulp by die Pretstap. Baie dankie ook aan al die ouers en leerders wat dit bygewoon het. **Die lootjielyste is hierdie week aan elke leerder uitgedeel.** By voorbaat baie dankie vir u ondersteuning om ook van dit 'n sukses te maak. Neem gerus self daaraan deel en kry asb. u vriende en familie ook om 'n lootjie of twee te koop. Daar is baie lekker kontantpryse te wen.

100% Parkies

#### 7. D6 Connect-toepassing

Om kommunikasie by die skool te verbeter is ons besig om oor te skakel na die D6 Connect-kommunikasiesetel. **Ons wil graag aan die begin van die 2de kwartaal die stelsel ten volle benut.** Laai asb. die toepassing (App) vanaf u foon of rekenaar se Play store af en kies Laerskool Park as u skool van keuse. Maak asb. seker dat u die korrekte skool kies. **(Sien die advertensie met die skakel (link) onderaan)**

#### 8. Personeelverjaardae

Baie geluk aan die volgende personeel wat verjaar:

- 27 Maart: Mariska Schutte
- 27 Maart: SJ van der Westhuizen

Mag u 'n geseënde jaar beleef.



#### 9. Skooltye

Skooltye is as volg:

- Graad RR en R: 07:30 – 12:15
- Graad 1: 07:30 – 13:00
- Graad 2, 3 en HBK: 07:30 – 13:30 (Vrydae – 13:00)
- Graad 4 – 7: 07:30 – 14:00 (Vrydae – 13:15)



#### 10. Skoolfonds

Ouers moet asb. seker maak dat skoolfonds op datum betaal is tot aan die einde van die eerste kwartaal. Baie dankie aan al ons ouers wat getrou skoolfonds betaal. Skoolfonds vir 2025 is as volg vasgestel:

- Graad 1 – 7: R13 200
- Graad R en RR: R13 500



#### 11. Adverteer in die Skippertjie

Die kostes beloop R100 per plasing per week. Advertensies word in A4-grootte onderaan die nuusbrieff geplaas. Kontak vir Anneke Harmse om die betaling te reël. Advertensies kan aan juf. Karen by 060 7212 192 gestuur word. Advertensies moet in JPEG-formaat gestuur word.

100%  
Parkie  
LAERSKOOLO PARK

### BANKBESONDERHEDE

Naam: Laerskool Park Skoolfonds

Bank: First National Bank (FNB)

Rekeningnommer: 62035 761 081

Takkode: 210-314

Verwysing: Kind se naam, van en graad of toelatingsnommer

# Maak Hoërskool Punt jou eerste keuse vir 'n toekoms van uitnemendheid!

*Hoërskool Punt bied meer as net 'n skoolervaring – ons bied elke leerder die geleentheid om te groei, om jou volle potensiaal te bereik. Ons leerders presteer op elke gebied, of dit nou in die klaskamer, op die sportveld, of op die verhoog is.*

## **Hoekom Hoërskool Punt?**

Ons skool staan bekend vir sy uitstaande akademiese prestasies, wat elke kind help om vir universiteit en die grootmenswêreld suksesvol voor te berei. Ons het 'n gediversifiseerde vakkeuse wat elke leerder se unieke sterk punte en belangstellings ondersteun, met spesiale verwysing na wiskunde, wetenskap en tegnologie.

## **Sport en Kultuur**

Hoërskool Punt spog met 'n indrukwekkende sportrekord en het al vele provinsiale en nasionale kampioene opgelewer. Ons leerders neem deel aan 'n wye verskeidenheid sportsoorte, insluitend rugby, hokkie, atletiek en netbal, en beskik oor fasiliteite wat die prestasies moontlik maak.

Ons kultuurprogram is net so dinamies en bied aan leerders die geleentheid om hulle musiek, drama, redenaars en verskeie ander talente te ontwikkel.

## **Omgewing van groei**

Ons is trots daarop om 'n skoolgemeenskap te wees waar elke leerder omring word deur ondersteuning, inspirasie en geleenthede om lewenslange vriendskappe te smee. By Punt koester ons 'n waardegedrewe omgewing wat elke individu help om optimaal te ontwikkel.

## **Sluit aan by ons Puntfamilie!**

Met 'n geskiedenis van prestasie en 'n toekoms van eindelose moontlikhede, is Hoërskool Punt die regte keuse vir jou kind se hoërskoolopleiding. Ons nooi jou uit om ons skool te besoek en te ervaar waarom ons leerders elke dag met trots sê: **Ek is 'n Puntleerder!**



044 691 2247  
Holmeyrstraat 20  
Mosselbaai, 6500, Suid-Afrika  
admin@pointhighschool.co.za

[www.pointhighschool.co.za](http://www.pointhighschool.co.za)



#PuntStreweNaUitnemendheid  
#JouToekomsBeginHier  
#ProudlyPoint

Point HS Punt





# JAKKALSVLEI

— PRIVATE CELLAR —

JAKKALSVLEI

Skryf hier in:



# *Easter* HUNT

**20 APRIL 2025**

Tyd: 10:00 tot 16:00

Koste: R120 per persoon

Alle opbrengste sal aan die Herbertsdale  
Skool-bus gaan.  
(Hemelrood Onderrigsentrum NPC).

RESTAURANT BESPREKING NOODSAAKLIK | Wegneemarea op die gras onder sal oop wees.  
Tel: 044 333 0222 | [info@jakkalsvlei.co.za](mailto:info@jakkalsvlei.co.za) | [www.jakkalsvlei.co.za](http://www.jakkalsvlei.co.za)

100

# AFRIKAANS GAAN GROOT!

*by Laaities en Ladies  
Naskool, Mosselbaai*

*Ter viering van Afrikaans se  
100ste bestaansjaar,*

**skryf 'n  
lawwe  
versie**

*(rym a a b b a)*

*en staan 'n kans om 'n prys te wen!*

*Alle kinders o/13jr welkom.*

*Stuur jou inskrywing na  
laaitiesenladiesmbaai@gmail.com*

*of WhatsApp na 076 887 5265*

*of kom handig in by naskool.*

*Sluitingsdatum  
11 APRIL 2025*



# IS JY AL GEREGISTREER?

Ons herinner u daaraan om voor die einde van die eerste kwartaal op die d6-CONNECT toepassing te registreer.

Vanaf die tweede kwartaal sal alle skoolkommunikasie slegs op d6 plaasvind.

Laai die d6-CONNECT toep af en registreer so gou as moontlik om op hoogte te bly van belangrike nuus.



# Don't Wait!

11 March to 15 April 2025

Get ready for the 2026 school year.

Apply for admission before the deadline!

Apply for Grade R, 1 & 8

Apply online at [westerncape.gov.za/education](https://westerncape.gov.za/education)

Transfers Grade 2-7 & Grade 9-12: 4 - 18 August 2025

## Vrae wat dikwels gevra word



- 1 **Hoe doen ek aansoek om toelating tot 'n openbare skool vir my kind?**
  - Skole bepaal plasings deur hul eie toelatingsbeleid uit te oefen en toe te pas, wat in ooreenstemming met die Suid-Afrikaanse Skolewet, 1996, (Wet 84 van 1996) behoort te wees. Die Wes-Kaapse Onderwysdepartement (WKOD) kan nie plasings by skole van ouers se voorkeur waarborg nie.
  - Doen vroegetydig aansoek. Moenie tot op die laaste dag wag nie.
  - Ouers/voogde/versorgers moet by ten minste drie skole aansoek doen, insluitend die skool naaste aan hul woning.
- 2 **Wat is die toelatingsouderdom vir graad R en graad 1?**
  - Verpligte skoolgaande ouderdom vir toelating tot graad 1: 'n Kind moet in die graad 1-jaar sewe jaar oud word.
  - Toelatingsouderdom vir graad R: 'n Kind moet in die graad R-jaar ses jaar oud word.
- 3 **Watter dokumente word benodig om aansoek te doen om die toelating van 'n kind by 'n openbare skool?**

### Gewaarmerkte afskrifte van die volgende dokumentasie word vereis:



Vorm van identifikasie. Enige van die volgende sal aanvaar word)

- Identiteitsdokument/geboortesertifikaat (leerder).
- Buitelandse leiders: 'n paspoort/ouers/voogde/versorgers se vlugteling- of asieloekersvisum waarop die leerder se naam moet verskyn.
- Indien 'n leerder van buitelandse ouers/voogde/versorgers in Suid-Afrika gebore is: 'n handgeskrewe geboortesertifikaat (DHA 19-vorm).
- Indien 'n leerder nie in Suid-Afrika gebore is nie: paspoort/vlugteling- of asieloekersvisum wat in die leerder se naam afgerek is.



Immuniseringkaart (Road to Health Chart) van die leerder (slegs op primêre skole van toepassing).



Laaste amptelike skoolrapport/akademiese rekord met uitslae van die leerder.



Bewys van verblyf (dionsterekening/huurooreenkoms/beëdigde verklaring wat by 'n polisie-stasie afgelê word wat verblyf bevestig).

Indien stawende dokumente NIE BESKIKBAAR IS NIE/ONTBREEK: 'n **beëdigde verklaring** van die Suid-Afrikaanse Polisie diens **moet by die aansoek ingesluit wees.**

- 4 Kan 'n kind toelating gewaag word as hulle nie in 'n skool se voederarea woon nie? Die WKOD het geen voedersones toegeken nie.
- 5 Kan skole "registrasiegeld" hef voordat 'n leerder aanvaar word? Nee. Skole mag geen goeie hef voordat 'n leerder aanvaar is nie.
- 6 Hoe doen ouers/voogde/versorgers aansoek om toelating? Ouers doen aanlyn aansoek via die volgende skakel: [westerncape.gov.za/education](https://westerncape.gov.za/education).



Neem asseblief kennis dat ALLE navrae oor jou kind se aansoek via die WKOD se aanlyn toelatingstelsel gedoen moet word.

# Verantwoordelikheid begin by jou!



Karakter is om die regte ding te doen,  
selfs as niemand kyk nie. ~ J.C. Watts



“ Wat ook al jy besluit om  
te doen, wees seker jy is  
trots daarop.  
~Walt Disney ~ ”

VERANTWOORDELIKHEID



WEES WAARDE WENNERS